



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 18. |

NOVOSTI

Smjernice za sprječavanje sukoba interesa u pravosuđu BiH

Visoko sudsko i tužilačko vijeće Bosne i Hercegovine, na sjednici održanoj 8. jula 2016. godine, usvojilo je Smjernice za sprječavanje sukoba interesa u pravosuđu BiH. Dokument se nalazi na linku:
http://www.pravosudje.ba/vstv/faces/pdfservlet?p_id_doc=35056

U pripremi Smjernica za sprječavanje sukoba interesa u pravosudnim institucijama u BiH, pored članova VSTV-a BiH i glavnog disciplinskog tužioca, učestvovali su i predstavnici udruženja sudija, tužilaca i stručnih saradnika u BiH te USAID-ovog Projekta pravosuđa u BiH.

Kriteriji za ocjenjivanje rada tužilaca u Bosni i Hercegovini

Visoko sudsko i tužilačko vijeće Bosne i Hercegovine je na sjednici održanoj 07.07.2016. godine usvojilo nove Kriterije za ocjenjivanje rada tužilaca u Bosni i Hercegovini. Novi Kriteriji primjenjivaće se pri ocjenjivanju rezultata rada tužilaca u svim tužilaštvima za 2016. godinu i nadalje.

Stupanjem na snagu novih Kriterija prestaju da važe Kriteriji za ocjenjivanje rada tužilaca u Bosni i Hercegovini broj 06-09-4725/2013 od 16.12.2013. godine i broj 06-09-4001/2014 od 17.12.2014. godine.



Britanska Ambasada
Sarajevo

Izvjestaj VSTV-a realizaciji plana rješavanja predmeta za period 01.01. - 30.06.2015. godine (Projekat unapređenja efikasnosti pravosuđa).

Sudovi u BiH su u prvih šest mjeseci 2015. godine riješili ukupno 119.863 najstarijih predmeta iz plana rješavanja predmeta za 2015. godinu odnosno 69.973 predmeta više u odnosu na isti period prošle godine. Ovaj rezultat pokazuje da je nastavljen pozitivan trend povećanja efikasnosti rada sudova i smanjenja broja najstarijih predmeta.

Sudovi su planovima za rješavanje predmeta u 2015. godini predvidjeli riješiti 207.347 najstarijih predmeta. U priloženoj tabeli prikazan je zbirni pregled realizacije planova na nivou suda, po godini iniciranja predmeta za period 01.01.- 30.06.2015. godine, a na osnovu podataka koji su bili predmet analize.

Praćenje procesa rješavanja predmeta prema planovima jedna je od osnovnih aktivnosti Stalne komisije za efikasnost sudova Visokog sudskog i tužilačkog vijeća Bosne i Hercegovine (VSTV BiH). Naime, VSTV BiH je na sjednici održanoj 21. i 22. januara 2015. godine usvojio novo Uputstvo za izradu planova za rješavanje predmeta koje se počelo primjenjivati prilikom kreiranja planova za rješavanje predmeta za 2015. godinu. Glavni cilj Uputstva je rješavanje svih predmeta koji se ne završe u roku od jedne godine od dana podnošenja inicijalnog akta u sudu. Osnovna promjena u Uputstvu se odnosi na pravilo da u 2015. godini svi sudovi imaju obavezu sačiniti plan za rješavanje predmeta.

Zahvaljujući ovoj aktivnosti čija implementacija je započela 2010. godine u okviru Projekta podrške pravosuđu finansiranom iz sredstava IPA 2009 i IPA 2010 Evropske unije, a nastavljena u okviru Projekta unapređenja efikasnosti pravosuđa koji finansiraju Kraljevina Norveška i Švedska, doći će do smanjenja broja neriješenih najstarijih predmeta, što će značajno doprinijeti povećanju efikasnosti sudova, a samim tim i pravosuđa u cjelini te pružanju bolje usluge građanima, korisnicima sudova.

Od početka implementacije ove aktivnosti do danas sudovi su riješili preko 422.000 najstarijih predmeta što svakako utiče i na smanjenje ukupnog broja neriješenih predmeta.

Preuzeto sa www.mrezapravde.ba

Trgovina ljudima Modul za obuku sudija i tužitelja

Preko linka koji se nalazi u prilogu vijesti možete preuzeti publikaciju Trgovina ljudima Modul za obuku sudija i tužitelja, čiji je izdavač Misija OSCE-a u Bosni i Hercegovini.

Kako se navodi u predgovoru, Misija OSCE-a u Bosni i Hercegovini intenzivno aktivno podržava napore u borbi protiv trgovine ljudima još od 2003. godine, saraduje sa lokalnim institucijama, kako bi se osigurala veća zaštita i podrška žrtvama ovog teškog krivičnog djela. U skladu sa navedenim, Misija je odlučila podržati izradu materijala za obuku sudija i tužilaca u cilju osiguranja održivosti edukativnih napora Centara za edukaciju sudija i tužilaca u FBiH i RS u oblasti borbe protiv trgovine ljudima.

Link za preuzimanje publikacije: http://www.pravosudje.ba/vstv/faces/pdfservlet?p_id_doc=35003

Vijest preuzeta sa www.pravosudje.ba

Održana radionica „Planovi rješavanja predmeta“

Jednodnevna radionica „Planovi rješavanja predmeta“ održana je danas u hotelu Jelena u Brčkom. Radionicu je organizovalo Visoko sudsko i tužilačko vijeće Bosne i Hercegovine (VSTV BiH) u okviru Projekta unapređenja efikasnosti pravosuđa.

Svrha radionice bila je da se sudovima skrene pažnja na trend rješavanja predmeta, starost i trajanje neriješenih predmeta te da se daju upute predsjednicima sudova na koji način da adekvatno prate realizaciju planova rješavanja predmeta. Tokom radionice su se razmatrale analiza rada po starosti inicijalnog akta u 2015. godini, kreiranje i realizacija planova rješavanja predmeta u sudovima. Predstavljeni su rezultati rada na rješavanju predmeta iz planova u 2015. godini i u prvom kvartalu 2016. godine.

Također se razgovaralo o problemima u praksi pri sačinjavanju planova, primjeni Uputstva za sačinjavanje planova za rješavanje predmeta kao i načinima praćenja i mjerama s ciljem poboljšanja ostvarenja planova.

Učesnici su bili predstavnici VSTV-a BiH, općinskih sudova u Tuzli, Lukavcu, Živinicama, Banovićima, Kalesiji, Gradačcu, Tešnju, Kaknju, Zavidovićima, Žepču, Gračanici, Orašju i osnovnih sudova u Brčkom, Bijeljini, Doboju, Modriči, Derventi, Srebrenici, Zvorniku te okružnih provrednih sudova u Bijeljini i Doboju.

Na radionici su usvojeni sljedeći zaključci:

Konstatuje se da je dosadašnja primjena Planova rješavanja predmeta u sudovima dala pozitivne efekte na smanjenje broja najstarijih predmeta i povećanje efikasnosti pravosuđa, te da je potrebno nastaviti sa implementacijom ove aktivnosti.

Potrebno je da svi sudovi prilikom rješavanja predmeta prioritetno rješavaju predmete iz plana.

Potrebno je da sudije prilikom rješavanja predmeta iz plana i van plana uzimaju u rad predmete prema starosti inicijalnog akta.

Potrebno je da predsjednici sudova vrše kontinuiranu kontrolu predmeta u kojima nije poduzeta niti jedna procesna radnja, a obuhvaćeni su planom rješavanja predmeta.

Predsjednici sudova trebaju kontinuirano isticati sudijama/stručnim saradnicima koji ne poštuju odredbe Uputstva za izradu planova rješavanja predmeta da se pridržavaju usvojenih kriterija/indikatora za identifikaciju nosilaca pravosudnih funkcija.

Za više informacija molimo da se obratite Kabinetu Predsjedništva VSTV-a BiH na telefon 033 707 570.)



Britanska Ambasada
Sarajevo

